



硃批諭旨

張坦麟 呂耀曾 杜濱奏摺



硃批張坦麟奏摺

雍正四年六月二十六日兩淮鹽運使臣張坦麟

謹

奏為奏

聞事竊臣一介庸愚蒙

皇上特恩補授兩淮運使惟有凜遵

聖訓勉竭駑駘務期恤商裕課仰答

皇恩於萬一伏念兩淮鹺務殷繁巡鹽御史臣噶爾泰

從來巡鹽之差顧惜顏面守分知足如噶爾泰者殊不

多任事兩年諸凡熟練臣到任以來一切利弊悉詳

請遵行至錢糧一項除存庫餉銀核明照例接受

硃批諭旨
張坦麟

臣細加稽查內有江蘇布政使劉殿衡任內於康熙四十一年二兩年曾借運庫未還銀一萬一千四百九十餘兩經臣詳請具題現經部議勒限行追賠補奉

旨依議欽遵在案此外並無未清之項至臣運使衙門向例有商人鹽規銀五萬兩經

欽差部臣李周望等清查盡行裁汰臣查鹽規之外尚有各項規禮舊例應得銀兩臣不敢擅入私囊俱已設立印簿逐一登記貯庫在臣衙門日用薪水之資

皇上原有經費給支應用前任運使俱將各項規禮補其不足臣加意節儉計延請幕賓需用人役以及過往應酬動支經費之外雖有不足無須若是之間懸多所有向來未經奏明各項規禮臣莅任六月現收貯庫銀一萬三千餘兩臣不敢隱匿理合奏

聞伏懇

皆係爾分內應得之項何必奏懇

天恩賞准臣於此項規禮內動支銀二千兩其餘一萬一千餘兩併嗣後舊例應得規禮統俟歲底彙總

奏請充餉合併聲明謹

奏

硃批諭旨

所奏知道了條奏一摺發部議矣

雍正五年正月初三日兩淮鹽運使臣張坦麟謹
奏為奏

聞事竊臣衙門舊例鹽規裁汰之外尚有應得規禮臣
曾於雍正四年六月內將各款細數併經收貯庫
銀一萬三千餘兩具摺奏

聞懇

恩准臣於此項規禮內動支銀二千兩以補日用之不
足餘俟歲底彙總奏請充餉奉有

硃批欽此欽遵臣自雍正四年正月到任至本年十二

月共收舊規銀二萬五千八百九十二兩零再腳

價內向有每年山東司領引銀六千四百兩今遵

部頒存冊支用其腳價內銀兩無庸動支照院道

各半例臣名下應得銀三千二百兩又匣費內有

臣衙門巡緝銀三千六百兩查臣衙門並無巡緝

人役無庸動支合共銀三萬二千六百九十二兩

零現貯運庫伏念雍正四年八月內荷蒙

皇恩賞給臣水腳銀四千四百兩臣當卽恭設香案望

闕叩首奏謝

天恩訖伏念臣身家日用均沾

硃批諭旨

帝澤所有奏明動支規禮銀二千兩未敢動支理合彙
總奏

聞同臣衙門節省經費等項銀一萬七千二百六十二
兩零共銀四萬九千九百五十五兩零聽候部撥
一併起解爲此謹

奏

此皆係爾應得之項非分外陋規可比且動支二千之
數業已奏請何必矯廉此銀內止將四萬兩報部足矣
其餘爾存留以爲幫助親友之需可也

雍正五年五月二十六日蘇州布政使臣張坦麟

謹

奏爲奏

聞事臣以庸才蒙我

皇上下次超擢補授蘇州布政使業將兩淮運使任內
經手錢糧交明新任運使張璨臣於四月初八日
到蘇州布政使任循例詳請撫臣代

題叩謝

天恩臣查江蘇藩司衙門素號繁劇陞司鄂爾泰料理
一切頗爲清晰至前司漆紹文接手諸事闕茸不
無廢弛之處臣履任月餘見其積案纍纍急爲清

釐又存庫銀二百餘萬兩輕重參差逐加彈兌昨
據陸續送到交盤冊籍內開雍正三年八月內奉
旨於天津地方設立水師營需用操練船隻部議行令
江南浙江福建督撫動用正項錢糧在三省地方
建造送營應用在漆紹文自應比照江省崇明狼
山向來承造大小趕繪船隻部定價值並各屬協
漆紹文貼成規通盤酌核開列數目詳明督撫然後動支
文此任甚負朕擢用之恩為是乃紹文徑將庫帑給發委官共銀五萬四百
三十三兩零臣逐一查核其造船一切所用銀兩
除應作正開銷之銀一萬六千二百四十七兩零

外漆紹文實墊出協貼併多發銀三萬四千一百
八十六兩零將來造冊報銷臣斷不敢扶同浮冒

致懸

如此毫無瞻顧秉公據實查核方為不辱朕之簡拔也
勉為之國帑臣已詳請督撫著落於交代限內照數還庫此
外有無未清現在查核如逾限不交臣即照例揭
甚是

報其有下江每年各營船工各屬公捐以及歷叅
未完虧空等案未經料理妥協之處理合先行

奏請併將臣兩淮運使任內本年舊規銀兩分摺奏
聞餘容臣次第辦理為此謹

奏

同日又

奏為籌定捐項以速公務以裕

國帑事竊下江地方濱江跨海設立崇明狼山京口各營汛以資防禦額定海巡等船共二百三十三隻每年或小修或大修或拆造開銷部費之外各州縣公捐協貼計部價一兩協貼一兩五錢無如省屬州縣遠近不齊各營報修先後不一必須於估定之後方行公派迨至派後行催未免稽遲時日雖部價可以購料興工而不能隨時應手其中

目今

現據范時繹摺奏料理此事已批諭准行矣

遲誤難以枚舉自督撫臣以及承修各員悉為掣肘萬不得已致將正項那墊此不得不為籌畫者

也又通省公務如督撫將軍衙門廩工書工礮藥

火器數十餘項每年約需銀二萬二千二百餘兩

俱係於各屬耗羨內均派雖羽檄頻馳而支應每

不及期即如上年船工協貼尚有二萬二千餘兩

迄今未據解交承修各官紛紛請領司庫無項可

支此又不得不為籌畫者也臣再四思維固有一

轉移間可以萬全無誤者臣查下江省屬兩淮鹽

規額有五萬九千餘兩雍正四年九月內刑部議

此項尚在未定鹽規作如此動用不可
覆安徽所屬承追虧空案內奉

旨此內議稱無著銀兩不准以鹽規抵補欽遵在案現
奉督撫以鹽規作何動用之處行令查議臣思鹽
規銀兩係省屬公項其船工協貼以及督撫將軍
衙門需用等項亦係各屬公務莫若將雍正三年
存剩鹽規與雍正四年未動全規令繳兩淮運使
衙門移交藩庫動支辦理船工等項其各屬應捐
協貼等銀仍照舊催交歸還鹽規原數如此則不
但各營船工可以剋期告竣而一切公務亦可從
容就理再此項歸還鹽規銀兩併同後此鹽規統

貯藩庫每年報明督撫具摺奏

聞以爲本省積儲之用歲以爲常庶鹽規不致虛懸而
積儲日益裕如矣至於前項船工及督撫將軍衙
門需用等項其中或有可減可裁可令各屬就近
承辦者容臣查明具詳督撫節省辦理合併聲明
謹

奏

將各項逐一詳細察明方可料理此事不宜如此草率
急遽地方公務自有相沿舊例若不論前後槩爲那墊
如何其可爾其殫心竭力通盤打算明白時再行奏聞

同日又

奏爲

國帑久懸謹籌彌補事臣查江蘇省屬各州縣先後虧空帑銀并米麥豆等項先經督撫分別有可著追銀一百五十六萬三千七百餘兩米麥豆三十萬八千四百餘石無可著追銀及米麥豆穀茶篋折價銀共三十萬四千一百餘兩疊蒙

恩旨寬至雍正七年令督撫務須一一清楚現今牌行到司臣思有著之項固宜按限嚴追而無著之項尤當上緊彌補查江蘇省屬官役俸工奉

旨不准捐輸不敢議補虧項外或以各屬耗羨酌量提取此亦彌補之法臣於到任之始卽經商酌撫臣陳時夏爲臣備悉言之但江省錢糧繁多耗羨輕於他省現有公捐協貼等項及各屬養廉之需一經提取恐不肖有司巧借加派適因督臣撫臣往爾等既不敢輕議朕豈便輕率批諭耶准會勘臣亦未敢輕爲定議今上江業經詳請將

從前盤查狗隱失察之該管知府分賠一股接任不實力承追之正署各官與督催之正署院司府共賠一股至外省咨追之案彼省從前狗隱失察之知府分賠一股彼省承督不力之院司府縣共

此乃魏廷珍推卸已責混行分派之料理何可踵而行之幸是具摺密奏若具題大不是矣院司府縣共賠一

股除本身現有虧空及家產籍沒各員外查明各員到任年月日期久暫計算應賠數目及原籍旗分逐一造冊題請

勅部按冊分咨著落各員勒限一年照數賠完臣再四籌度

國帑重大經手督率均有難辭之責兩江事同一體

亦無異議現在確查分析造冊詳請督撫會題恭

候

皇上睿裁遵行理合先行繕摺奏

聞謹

奏

江蘇虧空之案甚屬繁重當與督撫悉心籌畫允協然後奏聞非一新任藩司擅自專主草率摺奏遂可完結之事查弼納張楷皆因於此事不任勞怨不肯盡心料理而獲罪卽魏廷珍之休咎亦在未定汝何得冒昧摺奏耶河南山西拖欠不下數百萬一得田文鏡諾岷盡已完楚山東虧缺塞楞額一到亦俱清晰只在得人與否耳若少瞻顧回護取巧弄術萬不能料理設欲將別項錢糧挪移彌補朕亦斷不准行必督撫會商斟酌妥

確方可奏請也

同日又

奏為奏

聞事竊臣自雍正四年正月內到兩淮運使任起至本年十二月止經收鹽規銀兩業經具摺奏

聞附解在案又自雍正五年正月日起至本年三月離任止共收鹽規銀一萬五千八百二十六兩零交明新任運使張璨存貯運庫除臣任內交代項下一應正雜錢糧經張璨盤查明白循例具詳鹽臣具題外所有臣經收鹽規銀兩例不在交代之內理合

奏為限為難

聞聽候在運庫撥解為此謹

奏費情之北其也當自弊弊其美欲其美一前不辦

覽

合一省之利知情之一款之營辦當合一款之辦

爾運使一任實無瑕疵可指可謂全美今布政使之職非比鹽道鹽道不過潔已則諸事畢矣督撫以及布政若不能任勞任怨一切何克辦集耶勉之

雍正五年十月初一日蘇州布政使臣張坦麟

聞事謹

奏為遵

殊批諭旨

旨奏

聞事竊臣於本年五月二十六日具奏為籌定捐項以

辦公務平摺奉到

皇上硃批臣謹祇領數月以來悉心殫力除

欽部案件暨地方一切事宜逐一矢公矢慎詳請督撫

辦理外至通省公務臣再四思維一省之公務當

此法甚善原從諾岷創始朕不便諭令通行今爾等思

及此如是辦理甚屬妥協一歲之營辦當合一歲之經

費計之此其道當自經理耗羨始耗羨一清不惟

應辦之公務不致掣肘而從前無著之虧空亦有

不必別為議抵者臣通盤打算量入為出請自雍

正六年為始無論民戶宦戶輸納正雜錢糧耗羨

如此又與晉省所行互異州縣糧未免多寡不等仍

屬不均爾再與督撫商酌既舉行一州縣養廉以八分解

無礙充公費計每年應提耗羨銀三十萬一千二百九

十四兩零除酌定船工錫蠟等項協貼以及額辦

公務併酌量督撫暨府廳各官養廉通共需銀一

十九萬三千八十六兩零外尚可餘剩銀一十萬

奏八千二百兩零以為彌補虧空之項如此不惟通

聞省公事辦理無誤而從前無著虧空不數年間漸

硃批諭旨

十一

張坦麟

具奏理合遵
旨再行奏
聞謹
奏
將朕批諭與撫臣陳時夏看

同日又
奏為奏明事
聖恩補授兩淮鹽運使在京延請幕賓陶溶係江南常州府陽湖縣人查陽湖地方不食淮鹽非兩淮屬地今臣奉

命莅任江蘇陽湖實係統轄臣以本屬不應延至藩署而陶溶亦堅辭求去無奈一時不得其人錢糧重地若另延幕賓非臣素悉不敢倚託是以仍留數月陶溶端方謹慎終始如一臣不敢欺隱備錄下情仰懇
皇上恩施格外許臣容留則延幕錢穀得收指臂之力矣為此繕摺陳明謹

聞奏
可奏

將朕允留原委亦令巡撫知之不然恐招物議

殊批諭旨

同日又

奏爲奏

聞事臣查江蘇司庫存貯錢糧前司漆紹文濫放天津船工併那墊雜項銀兩俱經揭報

皇題參其那墊銀兩隨於參後全完所有濫放銀兩現奉飭發審追在案伏查司庫收放錢糧向有規例銀兩臣經收經放已七月有餘逐逐清查其兌收各屬解到地丁正項錢糧除隨正飯食外每百兩加坐平銀一兩三錢向例以爲解餉添平併督撫季規及本衙門養廉之需查漆紹文任內經收正

間蠲項錢糧實收地丁銀三百二十五萬八千八百兩

聖諭零計算收隨正飯食銀三萬三千七百七十九兩

零計收一三坐平銀四萬二千三百六十四兩零

內除解餉飯食補平銀及督撫季規并一切雜項用去銀兩又交下飯食銀及坐平銀存庫以辦本年春季解餉飯食添平之費其坐平內除動支外餘銀八千九百五十四兩有奇漆紹文以爲養廉之資此外又有放給河員俸工等項出平銀兩併辦理錫蠟解官例繳規禮漆紹文任內約計收銀六萬三千餘兩在漆紹文歷任一年零七箇月以

八千九百餘兩養廉實有不足加以零萬三千餘
兩養廉未免過多但此項銀兩例不入正交代並
無冊籍可稽自臣到任以來一切收放舊規銀兩
俱立印簿纖悉畢登凡臣衙門應用各項俱照例
動支亦立印簿登明俟歷任共周將動支存留彙
總具奏再臣家人分下亦有應得舊規歷今七月
經收銀六百五十九兩零除應辦本衙門公費動
支外餘銀賞給家人爲數甚細不敢瑣瀆四兩零
聖聽但臣絲毫不敢欺隱合併奏
聞謹

奏善與共財六千六百一十一兩零計即於蘇州
百凡以據實無隱爲是此奏甚屬可嘉將此摺亦與陳
時夏看

同日又平糶工間熾贖兩項軍餉將爾奏內
奏爲遵
旨奏明仰懇
睿鑒事竊查江蘇通省公務應辦欸項業經通盤打算
請自雍正六年起酌提耗羨另摺奏

聞本年五月二十六日臣具籌定捐項一摺奉
硃批地方公務自有相沿舊例若不論前後槩爲那墊

硃批諭旨

十四

張坦麟

如何其可欽此臣查各營修造戰船未經歸廠以前
間本俱係州縣自爲辦理採辦錫蠟顏料等項歷來亦
係州縣自向解官幫貼其餘各項公務額辦派之
睿聖州縣添辦出之俸工自雍正元年九月內奉
旨停捐俸工以後陞司鄂爾泰前司漆紹文因地方公
務繁多無項可支詳明督撫仍行酌提雍正二三
四五等年俸工閒欸銀兩解庫應辦鄂爾泰任內
經收銀二萬四千一百餘兩零照數動支無存尚
有閩廣運米水脚并修造書院海塘教場火藥局
等項共銀六千六百一十七兩零詳明於續收俸

工內給領漆紹文任內經收銀九千三十五兩零
除辦理公務動支銀八千三百五十五兩零交存
庫銀六百八十兩零而前項閩廣運米水脚等項
奏銀兩尚屬懸項仍未給領臣到任後據各處陸續
皇上解到經收銀六千一百四十四兩零通共現存庫
旨銀六千八百二十九兩零臣思俸工已奉停捐前
兩任內提解銀三萬三千一百三十五兩零雖經
詳明督撫批准有案但係奉
旨停捐之後提解俸工未知會否奏明無可稽查臣不

奏敢瞻狗欺隱理合具

奏至現存庫銀六千八百二十九兩零據各屬照案
請領歸欸未敢擅動應否動支給領嗣後俸工
停止捐解抑或容詳明督撫具

題請
旨定奪伏乞
皇上睿鑒批示遵行謹

奏
此項業已提取現存在庫或可留為彌補無著虧空此
外爾等另行商酌而行何必具題多生一番枝節將此
諭與巡撫陳時夏看

雍正五年十月初十日蘇州布政使張坦麟
謹
奏為奏

聞事竊查江蘇六十六屬正雜各官數百餘員上司之
耳目雖密各屬之蒙蔽無窮迨事經發覺應遵定
例處分若一涉寬容遷就卽無以肅官方而清吏
治謹將現在情形為我

皇上陳之江蘇辦銅之事承辦各官弊難枚舉正在
稽查乃有蘇州府知府溫而遜承辦雍正四年上
運銅斤於漆紹文任內詳委州同車國器領解咨

部在案嗣因州同微員領解違例該府又詳奉撫
臣陳世夏批行到臣改委併令倒提前司月日臣
恐苟且依違不足以肅各屬當以不便倒提月日
具詳申覆撫臣將原詳發換又有如臯縣知縣丁
銓因前任知縣曹樞任內有地丁銀三千三百五
十餘兩懸欸未清不肯接受詳報到臣臣查此項
間庫地丁銀兩係在前署縣通判張禹錫名下追補之
項歷任相蒙數載懸宕不但無完之張倅出結之
曹令咎有難辭卽現陞甘肅藩司孔毓璞原任揚
州府任內亦干失察分賠之愆臣據揭詳參孔毓

璞情願捐賠撫臣又將原詳發換又有原任太倉
知州張思閔原領安徽平糶米石應繳銀三千三
百九十兩零歷今三載無完蘇州知府溫而遜原
係太倉州接任知州未經揭報不無徇隱臣一併
具詳請參張思閔仍於揭後延挨月餘陸續清還
撫臣又將原詳發換又有原任霸昌道卞之鑰家
口暨廣東馬糧道之妻馬卞氏俱容留揚州府江
都縣地方居住該地方官漫無覺察本年七月內
因打死熊子旺父子經熊氏告發方行具報奉督
臣飭漕衙門造冊請咨解部查取容留職名附參

臣將容留旗人之知縣張有觀同城失察之知府呂大雲職名具詳請叅而撫臣又未查例具題又有常熟縣知縣喻宗樞因黎吉士逃回一案經督臣題叅革職蘇州知府溫而遜以叅員盜帑詳報該令將徵完應解錢糧三千七百餘兩差家人潛行送回江西隨據喻宗樞呈辯虧空銀兩實因遞那遞墊動缺庫項回明本府已蒙面允寬期補苴今見卑職別案被叅難卸失察之累突以玩法盜帑大題誣揭砌陷等情臣俱轉揭通詳請叅在案復據該府稟繳該令歸補銀三千兩臣隨以貯庫

稟明撫臣而撫臣竟以免叅移咨督臣銷案查三案雖未達之

宸聽而銀兩悉於揭後全完揆之

國法猶可寬免至於江都縣之容留旗員家口常熟縣之盜帑互揭俱不應令其巧爲趨避以弛

功令臣蒙

恩賜摺匣有關地方事務理合據實陳奏抑臣更有請奏者江蘇事務殷繁臣自揣無能難堪外任仰懇皇恩調詎京職俾得咫尺

天顏效力行走蘇藩重地另而

殊批諭旨

簡賢能不獨免覆餗之虞而地方亦大有裨益矣爲
皇恩此繕摺陳明謹

奏

如此秉公毫不瞻顧甚屬可嘉勉爲之因公獲罪於人
無妨也假若懷私獲罪於

天

恐難逃法網耳雖暫時倖免亦不過苟延歲月而已屬
員中遇材堪造就者小過當寬宥之隨加訓誡容其後
改教而不改者叅處示懲但當將情由密爲奏聞如陳
時夏竟行開脫狗隱不奏乃其過也至於在內在外皆
係與國家效力朕量才器使自有鑒別當遵奉指授而

行何可存揀擇之念旣存此念則心志疑貳而精神散
亂矣曷克奉公盡職百凡處無苟同無立異當酌中而
處不可尚氣

同日又

奏爲奏

聞事竊臣查江蘇省每年起解京餉除春秋二季造報
奉部酌留數十萬兩貯庫聽候撥用外餘銀照部
撥額數悉行解部其應需飯食補平解費等項例
有經收隨正飯食銀兩春季經收之數每不敷春
季解費卽於秋季飯食銀內通融放解其中並無

浮冒至於京餉水脚向係動支司庫錢糧每千給銀八兩遞年造入奏銷項下臣於本年六月內起解春撥京餉照例動支水脚銀四千七百八十一兩零著家人協同解官辦理昨於十一月內各官聞奉掣批回蘇其前項水脚銀內除一切費用之外餘剩銀一千二百七十兩零臣已登明印簿貯庫在案查水脚一項原係正欸錢糧既有餘剩自應具詳督撫題請核減但天時寒暑道途風雨解運雜費不能畫一未便卽請核減本年尚有兩次京餉臣俟起解完日將餘剩銀兩統於舊規項下彙總

奏

聞謹

覽

諸凡但當秉公除私做去何必如此瑣瑣奏聞耶

同日又

奏爲敬籌查追之員以清虧項事竊臣查江省虧空

前經

題明飭追共一百九十餘案現在著追之項共銀一百五十六萬餘兩米麥豆三十萬八千餘石迄今

數載追完尚不及十分之一又有續參各案臣到
任以來分檄嚴催又歷半載完報寥寥蓋緣繁劇
之邑虧空獨多兼有各省虧空咨追咨提案件加
之徵收地丁開兌漕白審理刑名各案日不暇給
以致承追之項視爲奉行故事及至屆期甘受承
追不力之處分而不惜臣愚以爲各直省虧空最
多之處仰懇

勅部遴選賢能官一二員赴該省督同地方官將一切
承追以及外省咨追之項嚴行查追果能一二年
內逐一清晰交部議敘如仍虛應故事交部嚴加

議處倘有人亡產盡無可著追者分別賞給以示
題明以便早籌彌補庶各項虧空得有著落而積案
纍纍亦得速爲完結矣是否允協伏乞

皇上睿鑒施行謹

奏

此奏甚是殊爲可嘉朕另降諭旨

同日又

奏爲敬籌停忙之例以裕徵輸事竊照直省州縣徵
收地丁漕項銀兩開徵完半以及全完俱有定限
而一歲之中麥忙蠶忙穀忙各省不同至期巡撫

衙門通飭停忙緩比臣查年歲錢糧催徵之期春季止有三四兩月秋季止有八九兩月輸將日少
奏而休息日多彼急公良民在暇豫之日先爲完公
之備殫力輸納仍自寬裕惟是游惰頑民不法豪
右包攬衿棍於三四月間官司輸徵正迫淳良赴
奏納正殷此輩明知停忙在卽竟置錢糧於不問一
遇摘拏百計賄差倩比延至停忙而若輩五分之
限竟有毫釐未完者及至開徵復行故智輾轉規
避無怪乎積欠之纍纍也以臣愚見停忙之例原
因東作方興水耕火耨之不暇特許以寬假以示

勞農勸相之意非謂末業逋賦之姦民亦概從寬
緩也臣請

勅下各省一遇停忙之日該州縣查明糧戶已於限內
開畢完半者照停忙之例於開徵後再行完納其有抗
奏欠不完及完不如數之戶州縣仍行徵比無庸一
例停忙開徵之日卽令首限先完以爲頑戶之戒
庶逋欠之民咸知慕義而州縣得以源源徵解趕

爾奏銷之期於錢糧大有裨益矣伏乞
皇上睿鑒施行謹

皇奏睿鑒

爾此奏朕另降旨發交廷臣妥議此舉更張舊例頗有干係候朕酌定

雍正五年十一月二十六日蘇州布政使張坦

麟謹

奏爲奏

聞事竊照蘇松糧道存庫錢糧臣有盤查之責新任糧道趙向奎於本年八月內到任其原任糧道楊本植經手一切正項錢糧俱已交代清晰據趙向奎移稱由開輕齎未獲批迴閩廣運米借項以及應

須補平銀兩尚未清楚經臣將交代遲延緣由詳

揭請參在案又據趙向奎查得楊本植任內得受

各項入已銀共三十三萬九千七百二十兩開具

細冊面交與臣查趙向奎與楊本植原爲交代

起見其移稱由開輕齎之批迴閩廣運米之借項

奏俱經詳題有案存庫應解銀兩楊本植亦情願領

解交代一項自可無難完結至趙向奎所開楊本

植入已各項銀兩原不在該道交代之內臣照冊

細查其中真偽或別有支用或盡入私囊雖一時

無由盡悉但爲數至三十萬兩之多趙向奎未經

詳揭既據楊本植造冊交臣臣何敢隱匿理合據實奏其中黃冊延限許文臣近盡入紙彙報一節聞併照原冊抄錄清摺進呈
御覽爲此謹

奏具歷籍冊許文臣近盡入紙彙報一節聞併照原冊抄錄清摺進呈
諸凡據實無隱朕甚嘉之將奏聞之處密之勿露楊本植到京自另有旨原冊留中

雍正六年二月十五日蘇州布政使調補山東布

政使張坦麟謹

奏爲奏平

聞事竊臣於雍正五年十一月初一日謹將酌提江蘇

通省耗羨辦理公務緣由繕摺具奏奉有旨與

硃批諭旨臣遵卽恭捧交與撫臣陳時夏看訖本年正

高皇月初一日撫臣率臣同赴江寧府與督臣范時繹

備旨面爲商酌於正月十一日回蘇傳集十二府州議

定通省耗羨加一徵收隨同正項起解司庫經撫

聖恩臣行文通飭在案茲於三月初十日接到部文欽

聖旨奉

上諭著將臣調補山東布政使臣聞

命自天感激無地除現在料理送印交盤俟起程赴東

命自受事後循例詳請代謝聖恩致用交盤對跡對少東
天恩外臣更有請者臣三年外吏未聆

聖訓犬馬依戀之私不忘寤寐仰請

聖恩容臣於交代清楚後兼程趨臣十日對匪暗文趁

不必入覲並無可訓諭處徒然往返何益況岳濬現候

覲面領臣交代可速赴新任

諭旨然後赴東省新任俾臣得以遵循罔戮永戴臣高厚伏乞

皇上俯賜批示至江蘇耗羨辦理公務清冊以及現提

俸工議補無著虧空各項統聽撫臣陳時夏與新

任藩司趙向奎酌定具奏合併聲明謹臣謹

奏

撫藩意氣不投如何共事朕若偏信爾而卽疑撫臣無

是理也若仍留江蘇爾一藩司何能抗衡巡撫恐必致

受虧天下事未有公而不和者汝二人雖皆見信於朕

其中定有一是一非今調開兩處是非自明矣爾至山

東竭力勉盡厥職

雍正六年四月二十九日調補山東布政使臣張

坦麟謹

奏為再請

睿鑒事竊照江蘇酌提耗羨乃係通省大事原與撫臣

聞蒙 陳時夏再四商酌定議而後敢於上專與無

硃批臣摺著與陳時夏看當經遵

旨齎送撫臣看訖

皇上硃批撫臣奏摺撫臣未經示臣及與督臣范時繹

共同商酌督臣細詢撫臣亦未宣示臣私謂撫臣

慎重秘密詎至本月二十六日於新藩司趙向奎

處始見

硃批撫臣原摺抄稿內有此布政使張坦麟之見此臣

奏之見等語乃知向之不肯示臣者職此之故臣今

備閱之不勝駭異竊思此等大事與撫臣歷次面

天恩商其難其慎定議之日撫臣諭令聯銜具奏臣以

奏撫藩統屬攸分堅辭不敢撫臣言之至再臣始將

銜名開送設其時稍有未協撫臣即當明白指示

臣斷不敢偏執已見乃撫臣既當面議定而於

君父之前互陳二三之見是以上煩

天心有此奏朕未達因未定其是非之

旨並從前深信撫臣聯銜之言決無異同故於覆奏前

皇上摺內聲明臣與撫臣面商妥議等語今見所抄奏

稿不敢不據實辯明致蹈欺罔之罪理合具奏伏

乞不煩不韙實錄即疑詛熾罔之罪野合具奏升
皇上睿鑒謹
臣奏於前將計無強紳商之言大熱異同對仗要奏前
知道了此等作用自陷自身耳何損於人知此當切記
以爲終身戒所以云三人行必有我師也

雍正六年七月初三日署理蘇州巡撫印務張

坦麟謹

奏爲

天恩高厚恭摺奏

謝事竊臣一介庸愚識見淺狹欽奉

特旨著臣署理蘇州巡撫印務除望

闕叩頭具疏奏

望謝外伏念臣筮仕部曹監督倉庾蒙

皇上拔於稠人之中置諸卿貳之列旋

命司離兩淮司藩江省今更叨息不煩德來田問舍之

恩命畀以封疆重任臣自揣何人屢邀

異數卽肝腦塗地亦臣心之所甘而臣分之所宜且臣

於監督任內應賠米八千餘石蒙

皇上慈鑒寬免續於運使任內復荷兩次殊賞無蘇景

恩賞銀兩今當藩庫交代之際陳時夏必欲勒臣額外

恩賞賚銀三萬餘兩若非之剝刺却夏必於博引賚代
皇上睿照無遺臣卽鬻盡家產竭髓碎身終於無補是

我望

皇上之保全微臣至再至三聞臣而臣之臣宜且臣
命之日臣率舉家老幼百叩臣入臣變臣

天恩臣自顧年近五十尚無子息不敢萌求田問舍之
皇上心爲子孫封殖之計倘臣日後有子卽此

聖恩保全之家產與疊次之臣會與臣

賞賜已足爲世世子孫留貽温飽感頌無疆矣臣惟有
益矢精白勉竭駑駘上報臣

皇上委任之至意爲此繕摺恭

謝謹

奏

感謝之誠自在章奏之外但今日之感能他日不忘此
時之志至後時莫移則始終是矣勉之

同日又主營業者尚不難辦其亦思田賦是書主

奏爲據實臚陳恭請

睿鑒事竊查江省各屬徵收錢糧納戶里書有花分之

弊有詭寄之弊有飛灑之弊皆由蠹役排年包攬

侵蝕按冊原非的名摘徵又無實在以致年年壓

此弊當嚴加釐剔

欠陳陳相因此錢糧之積弊所當亟為剔除者也
又下江舊欠自康熙五十一年起至雍正元年止
容樂共六百九十餘萬兩經前撫臣張楷書亦并乞之
題准分作十年十二十五等年帶徵其有實欠在民
田仍原主管業者尚不難徵比若原田屢易售主
產戶已非的名甚至遷徙逃亡無可根追更有里
蠹通同侵收捏開詭名欠戶經徵各官新舊兼徵
索每不能徹底清查故催迫二年而照數徵完者十
一不過二三若屆限不參則將來玩誤惰徵愈不可
皇問如盡行照例參處則革任必多而接徵之官更

難措手此帶徵之民欠所當亟為清釐者也又如
舊欠銅筋三百一十餘萬各商巧營新舊兼辦以
六年為期臣在藩司任內恐該商舊欠未完新者
又被拖欠因密訪各商力能完補者按名查審令
各商自行甘限或三四月或五六月交完如有不
完卽行監追業經具詳前撫臣陳時夏市州二衣
題准在案今各商前後止共完過銅筋三十餘萬尚
未完三百七十餘萬此銅商之積欠所當亟為催
追者也又如錢糧火耗與前撫臣陳時夏商酌
不分紳衿民戶一例徵收俱以加冊為率并令納

戶自封投櫃通飭在案。詎訪聞民間完糧不能皆有足色所用俱係市戥較之紋銀庫平加之火工折耗合計民間市戥色銀完庫平一兩應火耗銀銀錢七八分更重以姦匠之刻估蠹役之包收仍踵舊習而納戶不能自封投櫃遂致有市戥二分以外者此徵糧之膽玩所當亟為嚴禁者也。又如漕糧兵米向例統徵分解各屬印官因事務叢積止可按期催比不能分身兼督經役乘機多勒耗贈及至完不足額臨兌之時輒復那移墊給加之此事當揆情酌理而行旗丁甚苦宜為之留餘步旗丁運弁又多刁難勒索至於徵收兵米則私折

價值虛出倉收直待營員催促始令牙行代買兌給而買價少於折價官役互有分肥雖經申飭類皆陽奉陰違此漕項之積弊所當亟為整理者也。又如各屬刑名事件例有定限江省積習案件多不速結每每待叅遲延拖斃人命勢所不免更有自理詞訟不遵例限速完以致原被證佐候審日亟宜嚴飭久姦役乘機高下其手役既犯贓官罹失察此審案之積玩所當亟為振刷者也。又如聚眾鬧堂挾官抗糧此等習染深可痛惡雍正五年四月內有震澤縣鄉民楊秀林等打開公堂一案本年二月

內有嘉定縣糧戶張三等聚眾拆毀四門吊橋一
案四月內有福泉縣衙役戈祖順等聚鬧公堂拆
毀煖閣一案前撫臣陳時夏自必一一奏聞堂
未據陳時夏逐案奏聞
聞茲六月二十三日又有無錫縣鄉民聚眾搶去欠糧
枷犯薛浩等一案臣抵任後據報當行藩臬二司
嚴拏究審俟查詢得實或具摺奏

聞或又具題若止摺奏如何完結刁風萬不可長宜亟懲
自當具題若止摺奏如何完結刁風萬不可長宜亟懲
題請究治此又江省之刁風所當亟為懲創者也總
之因各屬上智者少而中材者多繁劇之區不堪肆
是乃直省通弊宦場中從來不易清楚者祇可儘力整
應以致幕客之操權蠹胥之舞弊上下相蒙習慣

頓去若必能令弊絕風清朕亦不敢全望於汝徐徐隨
因循而不克整理臣俯揣謏陋重沐
事別除可耳
皇上隆恩不敢不竭蹶釐剔以盡厥職奈臣報效有心
而才識短淺封疆重任恐難負荷伏懇

聖主另簡賢員俾臣得免覆餗之虞而於地方事務亦
大有裨益矣謹

奏

既能詳悉地方種種積弊果若實心破面不辭勞怨何
事不克就理耶竭力勉之必期克奏成效全朕用人顏
面庶可以塞物議而顯汝之是非也假若徒知而不敢
行空言而無實濟亦何益之有當不疾不徐循序漸進

先加勸諭而後繩之以法慎毋迫促急於求效屬員中
必得人然後施行倘不得人寧寬期以待之任爾良法
美意不得其人手不應心徒滋紛擾無益而有害為政
之道惟一秉公察吏乃求治之根本其餘皆屬枝葉務
本為要爾其勉之

同日又

奏為懇請暫留告假藩司以資佐理事竊江蘇各官
養廉臣於藩司任內遵

旨同督臣撫臣公商面議一例酌給則各屬舊有陋規
斷難容其入已必須詳查實數方可定給養廉已

飭各府州查明確覆未及數日臣即蒙

恩調山東交印卸事不敢妄行干預茲蒙
聖恩留臣署理撫篆則酌定養廉最為首務因查各府

州開報各屬陋規各款至今尚未送齊即有開報
寧可稍緩不可草率從事總期以公當為準若料理少
者亦多朦混遺漏臣又不敢草率從事復查本年
有公日後悔之莫及
提解耗羨自二月起至六月止共收銀九萬三千

餘兩此後源源起解通省公務俱可分別緩急照
冊支應而養廉額數臣即星速酌辦尚得月餘摺

奏往返又需時日奈各屬需用孔亟萬難緩待臣
原係伊等應得養廉之需自當先行量給但不可取此
再四思維與趙向奎商酌先於耗羨內量給各官

殊批諭旨

三

張坦麟

與彼一涉不公將來不免口實矣
養廉銀兩容臣查明定議造具清冊恭呈
御覽請

旨定奪後按數找給再查江蘇各案虧空臣於雍正五
年十一月內陳請

敕發查追之員以清虧項業奉

欽差臺臣伊拉齊等來吳會同清理在案臣前於藩司

任內已通飭各屬開造民欠役欠花名細冊呈送

至今俱未造報臣抵任數日正與趙向奎商辦俟

伊拉齊不日由閩到蘇即可會同清查適接邸抄

奉

旨著陳時夏范時繹與臣會同辦理臣當竭犬馬微忱
力圖報效茲值趙向奎奉

旨給假歸葬伏念

皇上以孝治天下臣何敢請留趙向奎在任辦事但養

廉與虧空二項急需辦理而查造細冊尚須藩司

核送趙向奎任四月業已熟悉倘一經另委署

撫臣酌量給假並未限定時日此乃操縱在爾之事

天恩准將藩司趙向奎暫留數月俟養廉虧空各冊核

奏定造就後再行給假歸葬庶公私得以兩全矣伏

皇

殊批諭旨

三

張坦麟

皇上睿鑒批示謹

奏

覽
雍正六年七月二十四日署理蘇州巡撫印務臣

張坦麟謹

奏爲奏

聞事竊照下江各屬仰賴

皇上福庇雨暘時若田禾皆已青葱秋成應在指顧今

七月初六初九十五二十等日據宿遷縣報稱該

縣境內有蝗蝻生發據練總劉士達報稱係山東

皇上郊城縣生發蝗蝻貽害宿邑等情又據邳州徐州

各報稱該州境內各生發蝻子等情又據淮徐道

申據睢寧縣報稱該縣地方發生蝗蝻等情各到

臣臣隨飛檄布政使趙向奎淮徐道康弘勳卽督

該州縣協同文武各官趁此蝗蝻初發之時上緊

督鑿撲滅挖溝掘阱火燒土埋毋致蔓延有傷田禾臣

奏又委標員前往各州縣驗看情形仍咨明山東署

撫臣岳濬無分疆界一體撲滅爲此合先奏

聞俟撲滅淨盡再行繕摺陳明謹

蝗蝻初生惟撲捕爲最善策聞爾江南省地方官甚不盡力如何推諉隣省耶已有旨矣

同日又劄諭無衣餉界一盤對越爲北合決奏

奏爲守令亟須得人仰懇 聖鑒 奏爲守令亟須得人仰懇 聖鑒簡發以收實效事竊念江省地方重大分理務在得人而得人莫先於守令蓋守令爲親民之官苟得其人則郡邑諸務皆可承辦無悞況下江各屬事務紛繁雖在能員以之專理則有餘委以兼任則不足前蒙

皇上欽頒諭旨於蘇松常三府分縣而理極稱利便惟

則不足前蒙

內各中發給下等訓及新並新並

是現在州縣陞遷事故不一或當缺出必委鄰近之牧令兼理而此鄰近各員多係繁劇之地若更加以繁劇未免顧此失彼臣莅任後因查蘇州府

吳縣係元和令兼攝長洲縣係嘉定令署理是附

皇土郭之三縣僅存一官現今蘇松各邑以大縣各攝

者則有昭文縣署常熟南匯縣署上海泰興縣署

靖江若徐州碭山宿遷睢寧皆以試用之員一人而兼兩篆倘將來再有缺出委署無人而通省之同知通判多有差委公務無閒員伏查上年部發試用知縣四格等十五員及續發到甯承謀等

雍正六年八月十五日署理蘇州巡撫印務臣張
坦麟謹

奏為奏

聞事竊蘇松等處今歲雨暘時若田禾花豆茂盛倍常
民情鼓舞羣慶豐登一俟秋收臣當確查各屬分
數奏報前於七月間臣因宿遷等四州縣境內有
蝗蝻生發臣即飛檄文武官弁上緊會撲業經繕
摺奏

聞今據各屬覆稱境內蝗蝻皆已撲除禾苗一無傷損
又據淮安府知府稟稱桃源縣前生有蝗蝻當時

會撲無遺又清河縣境內亦生蝗蝻不待撲除忽
有神鴉飛集半空往來啄食餘皆附樹抱草投入
水中並無留存該地方老幼居民皆歡呼稱慶羣

頌

聖天子至德感四內室西對土嶽形山嶽查出白飛小

天故遇此古今希有之事理合據實奏

聞謹

奏案之大典

蝗不為災深慰朕懷

奏同日又

殊批諭旨

三

張坦麟

奏爲奏又

聞事竊照科場取士乃

國家之大典我

皇上加意掄選凡遇科場取士屢頒

諭旨訓飭無非欲澄清考校以端士習臣於本月初六

日在臣衙門內室西樓上雜紙內檢查出白紙小

封十箇上有南皿南易南官浙詩等字樣併有錢

元台張之頊許廷鏐洪志齊閔長虹沈柱臣阮汝

昕周簡裘璉姚鍾等名姓內有首承首破首結七

結經首義小講起又有王洲若令親潘門生託等

字則顯係科場關節無疑矣但不知是何人遺下

亦不知是何人通同惟查十人內阮汝昕係現任

吏部文選司主事順天甲午副榜則此關節或亦

非近科之事臣旣經檢查不敢私行燒燬以蹈欺

恩賞隱之愆謹將原紙十封恭呈

御覽伏乞

聖恩將臣摺留中止將原紙十封發部查議抑或

俯念科分已久事在

赦前併將原封留中

洪恩出自

殊批諭旨

聖裁謹

奏

直奏不隱甚屬可嘉十封留中

同日又

奏為據實懇

恩賞准迴避事竊蘇州府昭文縣知縣勞必達與臣同鄉素有表親臣於江蘇藩司離任後將臣胞姪任葉議婚勞必達之女為姪媳實為兒女媿姪今臣蒙

恩署理巡撫印務於該令有上下統轄誠恐外人以該

令為臣至親因此觀望別生議論伏查定例非同族子姓不應迴避本年七月內接閱邸抄河東總督田文鏡以莒州知州蔣大年嘉祥縣知縣蔣嘉年係伊內親奏請迴避欽奉

上諭著照該督所請行臣謹據實恭懇

聖主洪恩准將勞必達照蔣大年等之例迴避另補庶該令仍得奉職報效而臣亦免於瓜李之嫌矣謹奏

今調爾署江右巡撫印務此事可以不必布蘭泰一味徧狹自用而兼之不明深負朕恩已罷其任矣江右地

硃批諭旨

三

張坦麟

方經邁柱此番徹底清理一切不難於措置非江蘇可比到任後但秉公自持和平率屬謹守成規做去則相安於無事也勉爲之凡爲大吏者必具包羅通省之襟懷隨材駕馭寬而不失之於疎和而不失之於懦方爲能勝其任若徒恃一己之淺見而不得屬員之心則一人之伎倆有限未有不至於顧此失彼鉅細兩悞者勉之母忽

同日又

奏爲錢糧積弊已久恭請委員督查以清舊欠事竊照蘇松歷年舊欠錢糧六百九十餘萬兩蒙

皇上允前撫臣張楷分年均徵之請寬其期限以紓民力分其欠數以便催科宜乎徵輸自易依限可完無如各屬種種弊端莫可枚舉總由積弊不清印官事務紛繁卽欲徹底稽查而一手一足力有不足自善遑遂至相沿遷就故自奉行均徵以來雍正四年初限奏銷案內如數徵完者止有海州靖江鹽城皇土宿遷桃源崇明等六處其餘均未報完合計該年一分之數應完銀五十八萬一千餘兩今止完銀六萬六千餘兩徒有均徵之名究無均徵之實臣再三籌畫自非立法清查不能直窮弊竇臣有堂

弟張坦讓原任浙江金華府知府丁艱經督臣李
衛題留在浙查所屬民欠漸已就緒其清查之法
臣因得以熟悉以臣愚見仰請
皇上恩准將下江均徵舊欠仿行浙省之例委員協同
該府州逐細清查現今奉
旨著臺臣伊拉齊戴音保會同原任撫臣陳時夏督臣
范時繹與臣等五人辦理通省承追虧空俟伊拉
齊一到蘇州卽當分詣各府州地方并祈不
敕交臣等五人會查此案舊欠務使的名實欠犁然清
晰侵收包納著落根追俾若輩咸知畏懼而此後
皇上允臣所請容臣具

題恭請

不致再踵銅弊查各府同知通判俱有公事差遣
並無閒員可委倘蒙

敕部揀發候補候選府佐牧令之幹員來蘇分委抑或

卽令伊拉齊戴音保陳時夏督臣范時繹與臣各
舉所知協委今合計承追虧空與均徵舊欠二案
各府州共需委官二十四員俟查清造冊告竣之
日相度機宜或可接辦丈量事務臨時再爲請

旨是否允協伏乞

硃批諭旨

皇上批示遵行謹

奏

將此奏交與尹繼善斟酌妥確覆奏以聞

雍正六年八月十九日署理蘇州巡撫印務臣張

坦麟謹

奏為奏

聞事竊臣於本月十八日據淮揚道白鍾山密稟據海
州詳稱八月初六日准海州營移據山東安東衛
移稱海中有船二隻白色白旗防丁放礮不理等
語其船雖並未到江南洋面但據稱出入無時往

來無定事關海洋理合稟明等因到臣臣隨即嚴
飭沿海各州縣實心奉行保甲以清姦宄藏匿之
源又密遣標員前往上海劉河等處各緊要海口
借名查稅以察姦宄潛通之弊臣職任封疆事關

奏機務理合據實奏

范時

聞敬請

巡防以備不虞

皇上指示遵行再近據太倉州鎮洋縣詳稱有浙江提

督差官李激等奉文擒拏夥盜楊秀於本月初三日
隨押楊秀至該縣地方緝拏同夥張來詎該弁
不照來文添差協捕以致無知鄉愚見無本縣差

硃批諭旨

四三

張坦麟

稟聞動衆人互相毆擊遂令弁差受傷等情臣現在嚴飭查拏夥黨并詳審實情另疏具

題請
知道了
旨究治合併奏

聞謹請

奏

覽

雍正六年九月初七日內閣學士兼禮部侍郎署

理江西巡撫印務臣張坦麟謹

奏爲叩謝

天恩恭請

陛見事竊臣前蒙

皇上天恩留蘇署理撫篆方愧涓埃未效旋奉

特旨補授內閣學士兼禮部侍郎又叨

寵命署理江西巡撫印務

恩綸疊沛有加無已除望

闕叩頭具疏奏

聖謝外謹於八月二十六日起程前赴江西所有一切

事宜俟臣到任後矢慎矢公次第辦理具摺請

旨遵行惟是臣出膺外職越今三載犬馬戀

殊批諭旨

主之微忱無刻不縈諸念慮况封疆重任負荷匪輕可
否俟封印後仰懇
聖恩容臣兼程赴
闕跪聆
訓旨俾得敬謹遵循以免隕越伏乞
皇上批示遵行謹

奏

甫到地方一切正需料理不必來京但秉公酌中悉心
措置自無不合宜處前諭甚明遵奉可也

大恩同日又

奏為奏

聞事竊查何天培蘇州巡撫任內曠職負
恩臣前已繕摺具

奏隨又查出沈文良私鹽船隻一案何天培擅將原
獲私鹽二萬一千餘斤枉法行私減去二萬斤止
以一千三百八十三斤朦混具題臣謹另疏於本
案附參外至臣前摺內查拏何天培家人白大白
二飭委元和縣郝靄究審各供據稱天培管理澣
墅關侵用銀三千兩係書辦邱可達經手又於龍
江關徇情私放年羹堯木植過關應稅銀一千餘

兩又代原任蘇松巡道魏荔彤擔認管關缺額銀三千兩將所收正稅賠補又得受原任鎮江府王珏銀一千二百兩原任蘇州府蔡永清銀四百兩又收受揚州府同知王嵩投拜門生禮銀一百二十兩并杯緞禮物各等供現在咨提關書邱可達質訊尚未提到臣今離任應俟署撫臣尹繼善查奏審具奏外合先繕摺奏

聞謹

奏

尹繼善受事後自必審明具奏至飭部嚴檄緝捕重犯

譚公安脫逃一案甚屬可惡明有賄縱情由當竭力設法緝捕務獲研訊疎縱實情奏覆毋因前任之事遂草率塞責

雍正六年十月二十日內閣學士兼禮部侍郎署理江西巡撫印務臣張坦麟謹

奏爲請

旨事臣查兩江督臣范時繹養廉一案經原任蘇州撫臣陳時夏酌定於向給銀四千兩外再加二千兩以爲養廉之資繕摺具

奏奉有

硃批諭旨

皇上硃批此事辦理是交與張坦麟欽此臣在蘇撫任內欽遵移咨范時繹在案及臣道經安慶面晤撫臣魏廷珍據稱督臣養廉現在議加等語今臣抵任江西查前撫臣布蘭泰移咨安徽撫臣原案亦稱江省向有督臣養廉銀四千四百兩恐未足支應將巡撫衙門舊規養廉八千八百兩內分出一千八百兩以爲督臣養廉業已具摺奏

聞但臣未經奉有

諭旨仰懇

是

皇上批示遵行再臣衙門養廉除分給督臣外尚存銀

七千兩又臣衙門有鹽規銀一萬六千六百兩除解交藩庫一萬及捐買穀石外尚存三千兩又新撫臣到任各鹽商公繳賀儀一千兩隨禮二百兩臣已飭存藩庫但臣衙門只存養廉銀七千兩實於公私費用有所不敷伏乞

皇恩將前項鹽規三千兩并現在養廉七千兩合共一萬兩定爲養廉之額其賀儀隨禮一千二百兩留充節備倉儲之用則絲毫皆屬

好

天恩而纖悉咸充實用矣至江省耗羨舊例加一徵收內除二分七釐爲解餉並通省公費其餘係督撫

兩司府廳州縣養廉并起解錢糧鞘木脚費等項
今據布政使李蘭稟稱各屬養廉內有不均通省
公費亦不敷用現據建昌府通判沈東詳稱通省
通判十員均有督運監兌之責而該員養廉僅有
三百四十餘兩較之南昌吉安饒州三府大相懸
殊若云三百餘兩即可養廉則二千餘兩者未免
過多倘謂二千餘兩始足養廉則三百餘兩者似
乎太少等語臣隨批布政使會同糧道秉公確查
定議俟覆到之日容臣細加詳察另行具摺奏

聞謹

奏

秉公斟酌料理均平摺奏以聞

雍正六年十二月初三日內閣學士兼禮部侍郎
署理江西巡撫印務臣張坦麟謹

奏為奏

聞事臣蒙

聖恩署撫江西訪察地方情形檢查舊行案件較之蘇
天下事若看得易每至於難視為難反得其易能防人
之蔽必不為人所欺若謂必不我欺難庸材正可殫竭犬
馬之力以圖報效今兩月來通省諸務現在次第
以朕常訓人不逆詐亦不逆倉穀共一百萬三千石零案查
清理如江西原貯倉穀共一百萬三千石零案查

殊批諭旨

聖

張坦麟

淳樸之地未必全良處繁劇未有勤而不能理之事居
報冊皆稱足額今臣通飭經管知府挨次盤查如
簡僻未有虧缺臣當即行參追江西歷年承追各員虧空
若不能正已率屬俾吏畏民懷則何地何事不至於廢
弛耶朕覽汝此奏深為汝憂之為君難為臣不易追銀九
萬三千兩零又從前報完及臣抵任後共催追銀九
萬一千兩零實未完銀一十萬三千兩零又未完
也敬之慎之萬一千石零米一千石零誠恐承追官遲迴
瞻顧奉行不力臣與布政使李蘭商酌委員前往
立限協追如承追官有徇情縱玩一經協追官察
出即行指叅江西各屬城垣類多傾圮緣歷年久
遠未曾修葺如進賢崇仁興安上高大庾永豐寧

都信豐贛縣瑞金等縣皆坍塌過多修整非易約
此舉計工料需銀自萬千以及數百兩多寡不等今除
其斟酌兩以內可修之各城臣擬於各屬自理詞訟內
有情罪稍輕可以從寬發落者仰體
聖主弘仁量行示罰并各官捐修漸次興工其在千兩
巖疆以外萬兩以內者工費既多罰捐不足通省又無
於腹內不急之費可以動支容臣確估工料細數共應需
法辦銀若干仰懇
有方化行俗美尚期夜戶不閉之風今四海一家奚必
皇上准照正定密雲城垣皆獲金湯之固矣江西毗連閩
庶通省各屬城垣皆獲金湯之固矣江西毗連閩

殊批諭旨
張坦麟

張坦麟

置所奏朕甚不取

粵凡兩省民人僑寓種植者皆搭棚以居謂之棚民從前來去無常姦良不一自瑞州府之新昌縣

棚民龔永錫等南昌府之寧州棚民楊龍友等聚

眾搶劫各案擬罪正法之後人知畏懼又欽奉

朕於御極之初為江西浙江棚民一事屢經嚴諭該督

諭旨嚴飭保甲伊等與土著居民一體編甲而地方留

撫設法料理不啻再三今觀所奏竟漠然視之毫未察

住者又有棚頭里保互相具結間有保甲雖行法

詢殊不以為事也甚屬可笑

未盡善者臣今通飭各屬實力奉行仍不時嚴行

稽核以期安民靖地從來火烈則人畏水弱則人

玩臣前在蘇藩任內處漆紹文之後於通省事務

加意整理不稍依違其時間有以太嚴議臣者今

臣在江西承布蘭泰之後近得諸訪聞遂以安靜

和平目臣在彼此相形兩地似有異同而臣之兢

業自矢實未敢改途易轍欽承

聖訓寬厚而不疎和平而不懦臣惟有夙夜謹凜遵循

旨斷不懈以上副

皇上簡任封疆之至意謹將臣現今辦理事件臚列上

聞所有應奏事宜仍開具另摺伏候

睿鑒謹啟

奏同日又

一切不須多言但能勉勵公以為體中以為用則立身

殊批諭旨

吳

張坦麟

行已居官爲政之道備矣

奏同日又

奏爲遵

旨查議事竊照浙江布政使高斌條奏蘇州滄墅關貨
皇土物稅銀則例與部頒不符請刊榜曉示奉
旨通行直省各關將各處現行徵收則例徹底清查據
聖實奏聞欽遵在案今江西所屬九江贛州二關臣逐
一清查九江關自順治二年設立以來止徵各船
料銀不稅貨物其時原額九萬九千兩隨船大小
估報徵收至順治十二年始有徵稅則例又康熙

聖祖十二年移關湖口加增額稅銀十七萬二千二百
餘兩若照原定則例徵收卽不敷稅額故歷年監
督皆照船隻加稅如舊例大船納料謂之滿貫徵

銀十七兩五錢則加至四十七八兩不等其次爲
中滿貫舊例納料十七兩則加至三十七八四十
一兩不等其最大之鹽船亦照滿貫例徵收此
三項收銀皆無另有加耗其餘一切大小船隻統
名之日時船雖照舊例徵收而無加稅然正額
兩則另有五錢四錢不等之加耗總期滿足歲額
不使虧缺行之數十年商民亦相安無異然歷年

交部之稽考簿則仍照舊定則例虛報徵收而去其加徵加耗之名以符合一年之解額故報銷與徵收遂兩相互異臣抵任以後以該關收稅事宜與各關大不相同正思酌改則例畫一遵循據管關饒九南道劉均抄呈原任撫臣裴率度於雍正二年間摺奏該關徵稅原非舊定則例請仍照現行估報不敢紛更等因奉_上旨_下其_下為_上硃批應如是無益之更張原可不必知道了欽此則是該關之不應更張早已在_臣自應照舊凜遵但裴率度原摺亦正

約言大概並未將加增收耗檔冊互異各情由備細聲明具奏今據高斌條陳奉

旨刊榜曉示以_臣愚見應一一據實將從前遵行定例與後此加增加耗之處一例刊示木榜照數填入報部冊檔仍於收正額一十七萬二千二百餘兩外核給各項公費其餘悉歸贏餘起解始為清晰倘以相沿年久商船皆相安熟悉仍以舊例刊榜曉示而各船耗銀悉照現行徵收總期儘收儘解以裕課而便商亦屬省簡可行因奉_上旨_下徹底清查據實奏聞_臣不敢不分析明白伏乞

皇上睿鑒批示容臣另疏
題覆再贛州關現行徵稅之則例與報部之檔案原
屬相符合併聲明謹

奏

前批裴率度之密諭乃朕一時之見何得以此藉口今
既接准部文奉旨通行自當一一遵照部文改正題請
部示況朕有旨一切密奏不可宣露今所抄之摺乃裴
率度違旨之舉汝豈宜奉爲準的踵而行之耶識見甚
屬卑淺愚闇之至

同日又

奏爲恭請

睿鑒事臣查江西各府州縣庫內自康熙十四年以至

二十二三等年有奏凱收穫投誠繳納以及裁減

額兵餘剩并有營兵捐置改造之軍器陸續交存

分貯南昌等郡邑一十九屬臣到任後檢查軍器

舊案從前俱有存冊若計算成造價值不下十餘

萬兩因與布政使李蘭計議據稱當時所交軍械

皇上至今歷年久遠加之收存庫內霉潮蒸濕其中木

革布絮悉成灰土不能手舉鎗刀甲葉皆爲銹鐵

不堪修補具詳到臣臣不敢以庫存軍器聽其愈

久愈壞當卽批令委員前往各屬確查備細造冊
在案伏懇

皇上天恩俯念軍器歷經四十餘年而江省霉蒸卑濕
更易朽爛

恩准從寬免叅賠補容臣分析查明其銹爛無用者請
行銷燬變價存公如鐵質尚存可以修整者酌量
各營留用另疏

題明庶不致年久存庫終歸無著矣爲此謹

奏

此事經李蘭備細奏過於伊摺內批諭甚明問伊可也

雍正七年正月二十九日內閣學士兼禮部侍郎
署理江西巡撫印務臣張坦麟謹
奏爲遵

旨奏
聞事本年正月二十日接准部咨奉

旨張景蒼著以贛州府知府試用贛州府員缺緊要令
該撫酌量或卽將張景蒼補授或於通省知府內揀
選調補所遺員缺令張景蒼補授欽此臣與布政使
李蘭商酌據稱張景蒼原爲江西饒州府浮梁縣
知縣保送閩省才能辦事但伊用度奢靡贛州離

省寫遠臣等不能時加約束恐致踰閑失檢有累
官箴查通省除衝繁府分需能員治理不便調補
外惟瑞州府知府史隨操守謹飭人甚歷練臨江
府知府高遐年雖到任未久臣觀其才品優長人
言其甚明白均可膺繁劇之任臣意俟張景蒼到時於
開事此二員內揀選調補再行請奉
酌定時具疏題奏
旨定奪又贛州府屬之寧都縣地廣人稠各村大姓聚
族而居歷年積欠未清向多刁玩該縣金有福上
年八月內徵比舊欠將監生李含英等監追武舉
李紹廣等欲令釋放輒叫喊罷市經縣具詳咨革

監禁餘犯李瀛洲李芳陳天錫等皆拒捕潛匿未
經弋獲臣抵任後嚴檄該管道府委員督同協掣
嗣據贛南道王世繩據該府縣詳請撥兵協掣臣

以此等抗欠頑戶無知犯法何得遽請撥兵當即
此可謂化大事為小事然亦不可繁如此行諸凡總宜
相機酌量為之遇有應撥兵協掣之事若因循遲回又
曉諭限日投到該犯李瀛洲等即隨委員來省投
非也毫末不札將尋斧柯若然則又釀小事為大事矣
為督撫者設無通權達變之才動輒有過不及之失勉
生監監追繼因抗拘遽請移營撥兵均未免輕妄
之慎之
是
臣若因此事指參轉恐他邑效尤滋長刁風若仍
令其辦理縣務必不能浹洽民情恐更生他事因

好

查南昌府屬之新建縣知縣胡師周才具平庸難勝牧民之任止堪改授教職其員缺即將金有福調補蓋新建附在省城臣不時教誡俾得勉供厥職倘或不知檢飭另行叅處至寧都縣民俗刁頑必得幹員方於地方有益臣查饒州府屬之萬年縣知縣汪蓉照才具優長實能辦事前委協辦安仁縣賑務如法給散衆情帖服以之調任寧都縣自屬人地相宜除臣另疏會詳外謹將原委具題到日有旨
題外所有調補各情由未便於疏內備細聲明謹繕摺禁併預為奏

覽

聞謹三
奏
同日又
奏為密行奏事關重大
聞事臣於本年正月二十五日准湖南撫臣王國棟密咨內稱雍正七年正月初九日據辰沅靖道王柔拏獲匪類許英賢並訊供緣由事關姦匪合咨密拏張易珍及供內有名人犯取供監禁如無其人取結移覆計粘單并紙供摺具扣等因到臣查

硃批諭旨

五

張坦麟

該道所訊許英賢供內稱張易珍係張天師之叔
在龍虎山得有兵書結黨多人借捨藥爲名往各
省招人及湖南撫臣親訊許英賢則供張易珍並
沒有這箇人小的實係借天師名色捨藥騙錢並
聞律無謀爲不軌之事王道連夾六次受刑不過混供
索的等語但事關重大該犯初供鑿鑿後雖改供難
以輕信臣卽刻密傳按察使飛委護廣信府上饒
縣知縣王還樸星往貴溪縣查拏首犯張易珍並
搜查家中有無藏匿兵書又分委南昌九江南康
三府查拏供內有名各犯又另密遣標員分往龍

虎山鄱陽湖各處地方探訪的實俟拏獲人犯到
案臣卽細加研訊或實係糾黨爲匪或係畏刑混
供務得確情另行密

奏合將_臣准到密咨及_臣現在委員分路密拏緣由
先行繕摺奏

聞謹

奏

此等事件寧可過於小心不可臆斷其無而疎忽從事
天下之大兆庶之衆一二姦匪焉保必無自古以防微
杜漸爲要身膺封疆重寄平居當時時防察毋得逐日

殊批諭旨

五

張坦麟

但以刑名錢穀爲專責惛然置國家關係大事於膜外而不顧則節鉞之任難云不忝慎爲之勉爲之

同日又

奏爲遵

旨奏

聞事竊臣前因江省各官養廉不均司庫公用不敷繕

摺具奏奉

硃批秉公斟酌料理均平奏聞欽此臣與布政使李蘭通盤計算再三商酌養廉公用皆取給於耗羨而州縣糧額各有多寡不等尤在乎酌量提留除漕

米照舊提解一分并府徵額欸耗羨全提外其零都等十縣糧額一萬兩以下者耗羨無多俱留爲知縣養廉安遠等三縣糧額五千兩以下者除不聖恩提耗羨外仍分別添給以足養廉其餘州縣糧額一萬兩以下者酌提耗羨五分額糧三萬兩以下者酌提六分糧額四萬兩以下者酌提六分五釐糧額五萬兩以下者酌提七分糧額五萬兩以上者酌提七分五釐所剩餘耗即留爲各縣養廉共提銀一十三萬六千二百九十八兩零俱貯司庫除督撫司道各衙門書役工食奏銷押運等項公

費用銀一萬四千七百六十九兩零照舊支給外其各官養廉則分別地方之大小事務之繁簡減其有餘增其不足酌量均派共銀七萬二千九百七十六兩又各屬首領佐貳雜職等官遇公務差遣惟解餉一項有水脚支領其餘水陸程途往來奔走皆苦盤費無措仰懇

聖恩准存銀二千兩以備臨時酌給又南昌新建二縣附在省城尚有應辦之公務動須支應亦各存銀四百兩遇有支用詳明報銷以上共銀九萬五百四十五兩零餘存銀四萬四千七百五十二兩零

又臣查出司道各官從前未提鹽規銀四千六百三十三兩六錢又各屬起解地丁例有飯食銀每年除支解外約餘銀五千餘兩均應歸公連前共銀五萬五千三百八十五兩零存辦公務較之從前提備公用數止二萬九千六百九十餘兩今溢出二萬五千六百餘兩不但歲需公務無慮不敷卽遇額外添辦亦可足用今除額辦各款公務仍照案動支外所有酌派養廉數目另繕清摺恭呈御覽是否允協伏候

皇上批示遵行謹

奏

總在汝秉公爲之此等事朕既不深悉何能爲之代畫
準繩至如養廉之多寡懸殊處朕更不解在汝等自必
有深知確見而然也

雍正七年二月二十四日內閣學士兼禮部侍郎
署理江西巡撫印務臣張坦麟謹

奏爲密行奏

聞事竊臣准湖南撫臣王國棟密咨查拏匪類張易珍
等臣密委廣信南昌九江南康四府嚴拏並密遣
標員分往查訪各緣由經臣繕摺密奏今據護廣

信府王還樸覆稱親往貴溪縣密行嚴拏並無張
易珍其人取有練保族長并署嗣教大真人府張
慶麟印甘各結訪張氏遠族之中有名翼軫者該
府因其字音相似拘到研訊乃係一孑身貧老訓
蒙餬口居住茅屋一間搜其家中唯有破爛時文
雜書幾本並無違禁之書又據南昌府覆稱密往
奉新縣拏獲張子明雖名姓相同而面貌與來咨
所開不合且係歷來在家耕種目不識丁之人從
未出外亦不會算命地理之術又據九江府覆稱
密往德化縣查拏朱文先並無其人取有印甘各

結又據南康府覆稱密往建昌縣查拏江東榮江東號俱係雍正四年十月內在雲南地方兄弟同染疫疾身故伊徒詹爾文等帶回骸骨現在有墳墓可據親族可訊江自得劉惟和等並無其人許世基世朝世龍世胄世堂等俱係出外行醫並未回家拏獲許英賢之父許有儀胞弟許英資並許世基之父許冠瑞搜獲世基托英資帶回之家信及爲許世朝帶信之許冠祿同現獲之李次文解臣親訊據許有儀等咸供許世基等實係在外行醫並無爲匪之事查其帶回家書內俱家常言語

並無別情又據李次文供生員是建昌縣學附生學名文珩一生教書爲活從不出門許英賢是生員外甥許文英的堂弟等語反覆窮詰矢供不移并據南康府取具印甘各結申送到臣臣臣察核供情復檢查湖南來咨供單與辰沅靖道王柔所審許英賢口供毫無一實合之湖南撫臣王國棟親審許英賢所供張易珍並沒有這箇人江東榮江東號都已身故朱文先張子明等名目都是夾昏了捏造的李次文是小的母舅是箇秀才現在家教書從不出門的是小的受刑不起扯上了等供

俱各相符唯江自得據英賢供係親戚現在雲南
劉惟和英賢供係鄰居現在家中今細查俱無其
人似覺互異當咨明湖南撫臣覆訊許英賢確供
方得實情又據臣所密遣往龍虎山鄱陽湖察訪
之標員回稱各處地方俱極安靜並無姦匪潛匿
龍虎山亦並無石裂之事則王柔所審張易珍招
人都隱藏在龍虎山鄱陽湖之供更屬子虛矣臣
研訊既確知現拏各犯悉屬無辜當卽省釋其許
英賢之父許有儀許世基之父許冠瑞暫行羈禁
俟湖南撫臣審明咨覆釋放除詳細供情并印甘

各結飭司覆審會詳咨移湖南撫臣核審外謹將
臣親訊緣由繕摺奏

聞謹
奏無
此事自屬子虛但地方上凡遇此等可疑之事不得不
過於慎重察明無辜卽行釋放則人人皆知謹守自愛
亦屬防姦之道汝等封疆大吏倘有風聞不可避多事
之誚必當留心密察根據切毋失於疎忽誌之

閏年雍正七年五月二十四日內閣學士兼禮部侍郎
奏署理江西巡撫印務臣張坦麟謹

奏爲奏

聞事竊查江省本年自春至夏雨暘時若各處田禾皆
已種植經臣具摺奏

聞茲有南安府附郭之大庾縣於五月初三四等日連
朝大雨初四日黎明溪水陡漲平地水深四五尺
至本日午刻水勢方平而城垣橋梁民舍田禾不
奏無衝塌人口亦有淹歿又該府屬之南康縣亦於
是日驟發大水從府城奔下高至一丈餘城外民
人住居低下者衝塌土墻房屋計七十七戶其餘
居民概無傷損惟窩坑塘汎發水淹斃兵丁一名

婦女十口等因臣飛檄布政司支動公用銀六百
兩委員星夜前赴該二縣協同印官確查倒塌淹
斃各家逐一分別挨戶賑恤無俾失所以廣

皇仁仍勘明大庾縣被水田畝是否成災一面發給籽
種令其補種晚禾其城垣橋梁等處被衝者亦估
計工料次第議修外所有大庾南康二縣被水情
聞謹爲奏

奏同日又

朕另降旨由部頒發文到日實力奉行務令災黎得沾

硃批諭旨

空

張坦麟

實惠特諭

公同日又

奏爲奏

聞事竊查江省舊年晚禾收成各屬豐歉不等米價較

常稍昂經臣請

旨糴米三萬石平糴又蒙

皇上天恩截留漕米十萬石臣現在分撥各州縣業經

具疏

題報在案內有撫州府屬之金谿縣已撥米一千石
給領平糴旋據該縣知縣董天敘稟稱平糴雖減

貴價奈窮民無銀仍難買糴羣懇借給常平倉穀
臣以常平倉穀未敢擅動而乏食窮民必當調濟
該縣有現貯社倉穀石准令借給再撥截漕米
千石以濟平糴之不足先後飭知趲運去後又據

撫州府知府羅復晉稟稱金谿縣衆民務要借給
常平倉穀環請甚切臣又撥運省城備貯倉穀一
千石委員星速運往借給乃運穀尚未到縣五月
二十一日據該府稟稱卑府於本月十五日聞金
谿縣鄉民羣聚縣門要縣開倉汎弁排解反被將
馬打壞卑府戴星前往十六日抵城親詣縣堂再

三曉諭衆民譁聲鼎沸竟將卑府擁繞不散該令無奈只得於十七日開倉衆始寧息領穀三百四十六石多係二十一二都人其餘別都竟有不領者臣查知縣董天敘被勒開倉殊乖職守知府羅復晉親詣縣城不能約束均應查辦會據一題參但查金谿縣米價粟兩二三錢不等未爲甚貴臣已屢撥米石接濟民心亦宜帖服何至羣聚不散立逼開倉及至開倉反有不領而去者其中必有別情果據該府稟稱查有朱品仲者原係該縣責革蠹役更有鄭賢錫者係誣告董令革貢鄭弘

謨革監鄭弘烈之族棍與董令有讐俱住二十二都糾合黨羽傅啓明周時俚等爲首號召煽惑鄉愚逼縣開倉明欲以擅動之罪傾陷知縣以圖報當盡法究處以警刁頑但須公明必期情罪允協毋俾復臣現在飭拏首犯從重究處若將該府縣等姦匪漏網輕犯反罹重罪姦匪漏網輕犯反罹重罪題參適足以長刁風而快私忿況董天敘平日居官

尚堪策勵羅復晉聞信遄往並非怠玩今迫於衆勢遽罹嚴譴俱爲可惜惟是該縣既與民情不甚相安如仍留原任恐致別生事端必須另調能員是
旨交治理庶幾上下無嫌民情允服臣揀得糧道庫大
貝之使程懋泓係按察使胡瀛保舉引

見之員奉

旨交臣以應陞之缺酌量試用查庫大使應陞與知縣

員缺尚未相當然其人歷練老成若以之委署金

谿縣印務必能整頓地方調劑得宜董天敘另行

調補統容臣繕疏請

旨合先一併奏

聞伏乞

皇上睿鑒施行謹

奏

於此一事觀汝通盤料理猶屬妥協

同日又

奏為請

旨事竊查江省學政衙門向有新進生員致送贄儀每

奏名二兩四錢歲科兩考三年之內約銀九千三百

皇上八十餘兩其考試各屬皆係地方官供應每年又

有學田租息餘剩是以從前均未議給養廉今學

臣傅王雪到任與臣議及養廉一事據稱新生贄

儀歷任學臣俱未曾奏明不便收受學租銀兩當

聖恩照數給散不應絲毫存留考試供應薪蔬柴米亦

宜裁汰移咨議給養廉等因臣與布政使李蘭酌

定該學政養廉銀每年三千六百兩仰懇李蘭酒
聖恩准給於司庫公用銀兩動支其學租贄儀考試供
應俱當裁革今學臣現在按考撫郡臣已檄行布
政司支動公用銀五百兩先行移送以爲養廉理
合奏請伏乞 皇上睿鑒批示遵行謹 奏
皇上睿鑒批示遵行謹 奏
奏各二兩四錢四分內除銀一千三百
向來循行相安已久何必多此一番沽譽之舉況聞傳
王書未時點名入闈而又不容士子給燭觀此乖僻舉
動未必得養廉而不分外貪求也莫若仍舊爲是但汝

既沽買虛聲業已許給養廉今若揚言奉旨不許而欲
歸怨於朕則恐汝與李蘭禍不旋踵矣

雍正八年五月二十六日原任內閣學士兼禮部

侍郎在工守制臣張坦麟謹

奏爲請

旨嚴飭以重河防事竊臣等協辦高堰隄工訪知山清
一帶地方向有土棍倚恃衿監串同無賴棍徒別
立義民名色每於河工興作向承修各官巧言承
領委員不諳一墮術中聽其包攬始則衆集如雲
繼則停工索找迨至錢糧如數全給非百計措勒

卽遠遁無踪工程遲誤被叅追帑其爲害有不可
勝言者現今承修山旰第十七段土工效力州同
李霖被監生劉捷串同昌國盛等寫立合同作保
承領收銀三千三百餘兩指勒停工又承修山旰
第十段土工效力武舉劉魯思被監生范一豹串
同范標等寫立合同作保承領收銀一千二百餘
兩輒行指勒停工俱經淮揚道清算應追銀兩飭
行山旰通判枷比而各犯悉已潛逃茲李霖劉魯
思二員工程俱可補苴無誤而土棍包攬之害卽
此已可概見矣臣查高堰石工料物所需甚多而

部發人員新到工次路非熟徑攜僕無多勢不得
不付承領之人而說合擔任又係衿監易於入彀
在土工每員領帑不過數千兩卽受誑騙亦止數
皇上百有奇土方隨地可得補苴計日告成今石工領

銀一員多至數萬餘兩一料有失動以千計縱家
道殷實彌補無難而料物俱取之遠方非經年累
月不能辦集姦猾衿監在在不乏保無有如劉魯
思李霖之被其誑騙者乎臣再四思維此種陋習
牢不可破非經上諭工部嚴行懲罰糾糾承領官

聞未能徹底澄清仰懇 皇上官嚴禁土棍串贖不稍假

皇止救下河臣轉飭該地方官嚴禁土棍串攬不許別
立義民名色騙帑誤工如遇有遲誤除將承修官
照例叅處外并將承攬土棍附叅究治如該員力
能完補不致悞工卽將告發誑騙之承攬人等按
名題叅究追立限嚴比庶積棍不敢仍蹈故轍委
員不至欠帑於工程大有裨益伏乞
皇上睿鑒施行謹

奏

據汝奏稱應救河臣嚴禁包攬不許別立義民名色等
語所見殊屬卑淺之至廷臣所議甚是今併發汝觀之

諒汝平生志趣除錢糧爲重四字外一無所知亦一無
可取也

硃批呂耀曾奏摺

雍正六年三月初一日四川按察使臣呂耀曾謹
奏為恭謝

天恩事竊臣猥以菲材荷蒙

皇上洪恩格外擢用由道府歷陞今職於雍正六年二
天恩月十八日到四川按察使任所有微臣謝悃已詳
請撫臣憲德代為呈覽合具附摺

題本日署按察司建昌道臣劉應鼎交下

御製九日宴賞柏梁古體墨刻到臣隨恭設香案望
闕叩頭祇領跪捧展讀仰見

硃批諭旨

呂耀曾

皇上龍章炳煥

聖藻輝煌喜起同風賡歌應律洵屬太平盛事臣幸際

昌期得邀

寵錫惟恭敬珍藏奉爲至寶理合具摺叩謝

天恩謹

皇奏

覽

爾之老成謹慎朕所稔悉但恐蹈柔善依違黨援狗庇之習須事事秉公直循天理而無絲毫瞻顧回護之心方爲不負朕之任用也勉之

雍正七年二月十六日四川按察使臣呂耀曾謹

奏爲遵

旨摺奏事臣蒙

皇上洪恩給假回籍雍正六年九月二十五日在西安

府接京報一封內開怡親王大學士張廷玉奉

上諭各省藩臬有准其具摺奏事者亦有本人未曾奏

請具摺朕遂未曾降旨者今思藩臬乃地方大員應

恩准其各就所聞所見具摺陳奏且卽此可以觀其人

旨之居心辦事爾等可卽寄信與四川按察使呂耀曾

伊若有陳奏事件初次具摺差人交門上奏事人轉

硃批諭旨

二

呂耀曾

奏嗣後從何處轉奏朕再降諭旨可也欽此遵人轉

旨寄信前來臣叩頭謝

恩敬謹收貯臣到家於十一月二十六日起身回川

莅政臨民以教化為第一要著汝等大員肯勤於勸導

百姓勸勵屬員方為盡職若只隨事辦理以了案牘將

吏習民風置於膜外非探本尋源之道也勉之

聖澤兼訪問各官奉行之善否二十七日自綿州聞御

旨史吳鳴虞朝令夕更語多游移縱容家人生事招

據各處奏聞已有旨矣

奏搖二十九日至成都訪察果係聲名不好臣不敢

欺隱理合具摺密

奏至四川通省仰賴

皇上福庇歲登大有惟川東一帶地方多係江西湖廣

此等可惡匪類亟當盡法懲處以杜刁風

之人俗好唆訟拖累善良臣現在嚴懲訟棍禁止

刁誣察吏安民以報我

皇上高厚之恩於萬一至嗣後奏摺應交何處轉奏伏

候

皇上諭旨欽遵奉行謹

奏

嗣後奏摺交大學士蔣廷錫轉奏

奏同日又

硃批諭旨

三

呂耀曾

奏為遵

旨條陳事竊思東南為財賦之地而江浙兩省積欠或至數十萬負逋或至二十年豈盡經徵各官惰廢之故蓋繁劇之區庶務雜遝而縣令不能兼顧也
欽惟我

皇上睿慮周詳於蘇松等郡分縣治理誠已區畫盡善矣而逋欠尚有未清者臣愚以為此等地方宜多設良策乃逐末之論已命欽差選委大員分頭清查矣如此徹底一清之後即中等才具之州縣有司皆能辦理汝但側耳聽之可也
辦錢糧之連環大批年月鈐縫用縣印銀數則鈐

縣丞印果三年內全完者即陞正印如徵不及數正印官罰俸一年者縣丞則降一級欠至三分者革職如此則進身有階既生其鼓舞向上之心而處分綦嚴自不肯以經徵之分數供正印之侵那矣再查直省地方有要缺中缺簡缺我

皇上於月官內每酌量調補務期人地相宜誠為盡美所奏係朕稔悉現行之事汝見與朕相合今命查之意正為此也
盡善但思盤錯之地必須諳練之員與其用新進之人不如用歷試之人請

敕各省督撫將該管地方分作要中簡三等預為奏明如遇要缺則於中簡之中擇才守兼優者一面

近年以來凡遇緊要缺出率皆如此補用
題達卽一面調補所調之缺或歸部選或以部發

人員補用一轉移間可爲地方收得人之效臣蒙

恩按察四川每於公事接見屬員察其才幹優長者州
一二縣內每德勝才者居多雜職中三四員內才勝德者

居多此等人員若循資格陞遷則竭二三十年之力不
所論固是朕亦以此意但永著爲例則萬萬不可何則

用人之道必須設法大求用一番鼓舞激勸方可若定
爲各督撫按省分大小將所屬雜職大省挑選二十

轉所以積有五人亦因其省十人三年一次送部引
見其中選者卽以正印試用則微末小臣知上進之有
揀選後無足取矣三年一次將何員應選耶每遇要

缺朕命督撫保舉常有不拘佐雜之論正恐遺失眞才

若待有上進之階然後爭自濯磨則其人非出格之才

可知亦何足惜此論殊屬識見卑小

見之後果係有守有爲請以陞銜仍留原任三年照陞

銜陞轉於地方實有裨益臣冒昧條陳不勝戰慄

奏

至如陞銜留任之說更屬迂謬久任之益雖三尺之童

亦皆知之若不因懸缺待人奚必止限三年須知一切

陞調皆出於不得已而然汝可謂不諒朝廷用人之苦

卽就汝一人而論若川臬得人又豈忍奪情特命爾在

殊批諭旨

五

呂耀曾

任守制耶大員缺出不得不挨次陞補設將保薦之員俱以陞銜留任三年則此間大員要缺更將何人陞授所以云此論乃不通可笑之見也

此論非因嗔責而發不必驚懼朕不辭勞煩諄諄訓諭之意不過欲開拓汝之心胸兼亦令汝知朕用心之苦也向後如有陳奏不必過慮忌諱所奏是自當見之施行所奏非接朕訓諭亦可增長識見有益無損也將此批諭與憲德趙弘恩看

雍正七年六月二十二日署理四川布政使印務

按察使臣呂耀曾謹

奏爲恭謝

天恩事雍正七年五月十九日奉

旨湖北巡撫印務著四川布政司趙弘恩前往署理四川布政司印務著按察司呂耀曾署理欽此隨恭設

天恩香案九叩謝奏

恩伏思臣一介庸愚荷蒙我

皇上隆恩不次擢用歷陞四川按察使又奉

旨任守制今復蒙

聖恩著臣署理藩篆聞大業舉百計百益誠感佩奇甚命自天益深感戴於雍正七年五月二十二日接准前

殊批諭旨

六

呂耀曾

命自司並趙弘恩移交印信祇受視事一切應行事宜
聖恩准現在徹底清查次第舉行惟有益加勉勵恪供
首職守以仰報我

皇上高厚隆恩於萬一除詳請撫臣代奏

恩題恭謝

天恩外理合繕摺奏

謝謹

矢志誠懇甚好勉之又勉可也

奏同日又

奏為敬陳管見事竊查直隸各州其地方較之各縣

諒必稍繁現在本管錢穀刑名賴其徵比審理而

又責之以董率所屬各縣綜理其刑名錢穀考課

其賢否勤惰卽才能諳練之員亦恐有不能兼顧

奏之處况府屬州縣多者不過十餘處少者或僅五

六處或僅三四處今直隸一州其所轄之縣竟有

多至五六處者他省不敢知川省潼川州所屬

有射洪鹽亭中江蓬溪遂寧而又加以歸併安岳

聖恩之樂至並本管潼川州一切事件較之中等之府

尤屬繁冗州牧一身勢未能彼此兼顧以臣愚見

似應仰請

聖恩勅下督撫將潼川州改設知府一員統轄所屬七

處潼川卽改作附郭之縣再設經歷一員如此則

地方似有裨益矣是否可行伏祈

睿鑒謹

奏

總在得人何必易州爲府耶殊非急務

所奏江西苧布一摺交部察奏

奏爲

硃批杜濱奏摺

雍正六年十月初四日陝西糧鹽道臣杜濱謹

奏竊臣一介庸愚荷蒙

聖恩由吏科給事中補授陝西糧鹽道本年三月十四

日恭請

聖訓教誨諄切勉勵周詳又

賞臣摺奏著遣家人齎京交與大學士張廷玉轉

奏臣何人斯仰荷

隆恩實爲逾分夙夜悚惕莫知所報隨束裝起程至四

月十八日到任清理收支事宜查驗新舊糧石務

硃批諭旨

杜濱

期剔除弊竇以盡糧道之職至於倉廩六十餘座歷年久遠傾圮滲漏臣於未奉部文之先已開冊詳請督撫親驗

賞題達現在飭委有司估計再旗員關領糧餉不無需索陋習臣不能應伊等亦似相諒不甚刁難惟有賠買不敷粳米一節似屬未協敢爲我

皇上詳陳之向年民糧未經改折之時糧道經理近三十萬石又草七八百萬束不但耗羨充裕而陋例亦多自雍正二年民糧改折止有額徵舊斗屯糧十萬石並都司裁缺歸併糧道舊斗更名糧四萬

餘石至雍正三年前道許容任內悉除陋規將加一五耗羨減去一半酌留七升五合內除三升爲各書役工食及修補倉廩併送督撫藩臬月糧料豆公費脚價之用實在耗糧四升五合爲糧道衙門公私費用所以議公費養廉不及於糧道蓋以耗糧作養廉此時尚未有賠買粳米之事也及議定養廉具

奏之後奉部文將八旗不敷粳米交與糧道採買供支除部價外每年約計賠銀二千兩上下無項可動卽以養廉之耗糧動用買支自雍正四年許容

任內始也但許容以臬司兼糧道原有臬司養廉除動用耗糧添買粳米外贏餘詳明充公至雍正五年范弘德任內曾以費用不敷詳請養廉前署撫臣張保批駁未允本年四月臣到任後檢查卷案知各色糧石不論貴賤部價均屬一兩陝省粟米豌豆小麥每石時價六七錢八九錢不等惟粳米每石一兩六錢或一兩八九錢所以八旗之餉各色俱本折兼支獨粳米則要全支本色臣通盤計算每年除賠買粳米之外餘糧尚可變易銀二千三四百兩加以每年額徵更名差折銀舊例七

分五釐耗羨約計五百餘兩原留爲本衙門公費者是每年約有三千兩以臣用度並無不足若非賠買粳米實有贏餘二三千石可充公項也但查官兵每支本色不滿十五萬石而在藩庫支十七萬餘石折色之銀皆得有餘之價惟斯粳米一項每年估撥不敷僅二千三四百石多不過二千六七百石部價未足便不肯領未奉部議之先原派之五縣而民受其累既經部議之後乃責之糧道而官任其賠以理推之似未平允此皆督撫所熟聞悉者臣身任是職不敢不據實奏

聞謹

奏

如養廉不敷當向督撫言之伊等自必另議請旨也

同日又

奏竊臣抵任以來將及半年自愧才識短淺耳目不能周悉聞見偶得一二敬陳數條仰祈

睿鑒

一查得陝西錢糧無大虧空而倉儲不無那前掩後支飾之弊今歲秋收穀賤惟在盤查之官不少假借便可買補足額至於甘屬聞頗有虧空又寧

夏地方有因派軍需而村民逃避者遠路傳聞尚未得其確實也

一陝省賊盜甚多在民間者姑無論但就官署而言除本年正月內岐山縣署中失盜已經叅出外四月初八日涇陽縣署被盜五月初二日漢中府署被盜六月內鳳翔府守備署中被盜沔縣署中被盜七月二十八日潼關撫民廳署中被盜八月初七日朝邑縣署中被盜九月內新任西安府知府王紹文自言赴任於途中被盜其餘臣未聞知者想亦不少臣每向臬司等切言之謂此關係不

小務嚴保甲實力奉行庶可消患於將來而聽者
未免視爲迂腐之談耳
一春間採買軍需騾頭有司奉行不善責之里民
因而胥役姦販通同射利每騾一頭價至七八十
兩百餘兩渭南縣竟有一百五六十兩者並雇夫
餽養派備草料往返挑選一切雜費百姓每石糧
派至二三錢五六錢不等臣赴任時途中訪聞最
確總督岳鍾琪亦經查知深加懲創此番總督委
臣協同藩司張廷棟辦理臣切禁派累嚴察侵冒
務期不擾不誤詎有華州知州王德地仍蹈故轍

致劣生姚果實傳帖惑衆闔境騷然臣等現在查
審未結

一陝省官員強半委署朝更暮改重複移調官員
皆視爲旅次惟交盤之不遑何暇理及民事臣雖
職任監司不得與聞實未解其何故也

一巡撫西琳器局褊淺動作乖張不達政務而專
好小利每接見屬員有二裁縫旁坐縫衣不但司
道恭揖二裁縫穩坐至府廳以下長跪回話二裁
縫穩坐如故凡地方緊要事務一一聽聞大小官
員莫不駭異又前藩司馬喀變價官物凡金珠貴

重之件巡撫勒令成長兩縣送交撫署及署咸寧知縣朱文炳改署盤屋新署咸寧知縣張典以馬喀官物不清既無原物又無變價之銀不接交代兩人爭鬧稟於總督之前總督礙情付之不管至今未經交代又巡撫有不用之二幕客一姓王薦送於臬司碩色一姓鄧薦送於臣臣卽力辭巡撫又使巡捕官向臣言鄧相公在京支過束修五十兩如今薦送與你你可將銀子還了不用亦可臣笑謂天下豈有此理闔城官員無不知之嗤其鄙陋巡撫因臣倔強便有蓄怒之意又諭臣雍正四

五兩年未完屯糧可卽出倉收報完我要具奏臣謂實在未完何敢捏報全完虛出倉收願受叅罰必不自蹈欺罔之罪以此巡撫益怒臣矣

一原任咸寧縣知縣胡增瑛去冬領張晟虧空案內銀兩買米每石實價七錢竟以一兩二錢報銷侵冒銀約四千兩與原任知府蔡璉進以美妾互相欺混藩司張廷棟爲其所愚轉詳巡撫照數准銷今春總督訪知要叅巡撫極力庇護蔡璉是以總督止將驟行一事叅審

一原任潼關撫民同知菩薩保徵收稅銀不照則

例額外加倍勒收本年六月間潼商道張正瑗提
驗底簿該同知以假簿送閱張正瑗持簿至省面
稟督撫會同藩臬訊明加倍徵收額外勒索是實
侵匿稅銀四五千兩是實乃遷延日久令該同知
倒填年月自首銀二千餘兩上下彌縫和同完結
由此推之各處侵蝕稅課上司不能查察卽查出
而有心狗庇者當不止潼關一處爲然也
一本年九月二十六日總督自外回署時有一男
子持書一封向總督言我師傅教我下山來與公
爺投書隨帶進密訊次日又聞會同巡撫臬司密

天恩訊其書中情由及如何查詰臣無從知只聞係湖
南人未悉其姓名言語可疑情形怪異不知曾入
告否臣因

陛辭之日跪聆
天語謂大吏多有隱瞞下情亦許上達
聖諭嚴明何敢瞻顧謹就所知據實奏
聞伏祈
皇上賜覽謹

此奏甚屬可嘉朕欣悅覽之內外大小臣工咸肯如此

據實直陳天下事復有何隱何蔽何慮億兆不蒙福寰
宇不治平耶朕將所列各條以硃筆刪改命另摺錄出
逐件詳察施行矣恐有人猜度係汝之所奏切須密之
勿露今將硃筆刪改之稿發來爾看即知朕之慎密矣
密之一字為最要少忽則將後悔莫及也

天監 雍正七年閏七月二十日陝西糧鹽道臣杜濱謹

奏 臣於去年十月內將臣到任後見聞事件恭摺密

書 奏奉有

硃批 臣跪讀之下感與懼兼仰沐

天恩慮臣愚魯不知慎密

教誨詳悉臣切銘於心益加敬謹不惟所奏事件未敢

恩 宣露即蒙

恩准摺奏臣畏督撫疑忌至今未敢一言偶及也且臣

自揣職分夙夜戰兢實不敢以無知之言屢瀆

聖聽但凜遵

皇上面諭有所聞見許即陳

所言是固善即所言非接朕批論亦可增長汝之識見

乃有益無損之舉但若懷蓄私心以迎合揣度為事則

皇上垂察焉陝省直隸州倉庫責之道員盤查而交代

不獨於汝無益亦斷不能逃朕之鑒照也
事則全歸藩司督催故一應冊結道員不得越俎
此舊例也署乾州知州甘運清於本年五月十三

日到任至六月十三日二叅限滿交代未清藩司
詳委興平令胡蛟齡監催勒限完結並未令臣與
皇_上聞以非臣所司也忽於六月十七日准藩司咨稱
奉院批嗣後直隸州交代由道查催核轉是乾州
皇_上之交代逾限在先臣准咨在後將來之交代道任
聖_上其責此案之逾限道不分其咎乃巡撫將藩司同
臣一併附叅此非撫臣不知而誤列彈章實係有
恩_上心而故爲苛刻也臣自維謏陋蒙
恩擢用惟有報效
君父之心實無阿諛上官之才而循規蹈矩亦斷無獲

罪上官之處如職分果有未盡處分何辭乃以向
例不管交代之道員而今忽罹無妄之議處實屬
屈抑

聖明在上無微不照臣不敢不據實

奏明並繳

硃批奏摺伏祈

睿鑒謹

奏

據奏該撫以督催不力將汝同藩司一併附叅謂爲有
心苛刻汝誤矣督撫初莅封疆正在整飭吏治之時汝

等監司大員似此無關降革之小過尚不容情列之彈章可見此外別無大過也於茲當感而不當怨何乃遽爲斯言耶況上下如是乖違而欲望地方感召和氣必無是理宜乎西安有兩月不雨之徵應至如無阿諛之才一語尤爲非理聖人云不獲乎上民不可得而治旣爲屬員卽宜仰承上司意指就中委曲匡救協助以裨益地方始稱良吏若一味剛愎自用亦何足取上司除貪婪欺罔大逆不道之外爲屬員者仍以能得其懽心爲是豈可但爲自己地步不體上司之難是皆潔身而不奉公之流弊乃小人小臣之形態如此居心行事畢

生斷不能至大臣地位也不寧惟是若如此居心設或身爲大臣必且與君上抗拒而樹恩邀譽以自固此種陋習朕所深惡汝當拳拳服膺以爲終身戒接讀訓諭若不返身省過痛自刻責不以己之淺鄙爲非而悻悻如舊他日致被上司捉獲欵蹟從重叅論莫謂朕不汝保全也清夜無事時試熟思玩味之

同日又

奏渥愚陋寡識謹就所知據實上

聞

陝省辦軍需駱駝馬匹口袋兵車火藥盔甲農

具牛皮銅鐵各項俱已次第運甘止有餒養晉豫
陝三省採買騾頭一萬三千餘頭大將軍岳鍾琪
奏飭令於立秋後中秋前以地方草料之多寡為先
後分運解送明春出口臣協同藩臬所辦事件八
月內即可完楚此番軍需恪遵
待軍務告竣後方可實信無他也
諭旨並無派累民間之事現在查核報銷

上
岳鍾琪本年甘屬雨水廣沛秋禾豐茂陝之二屬
雨水亦多惟西鳳二屬缺雨西安亢旱尤甚六七
天如此示謹目親昭然之理不益加敬畏可乎可見汝
等各員中竟無
枯槁各色糧價較前漸長但去秋大熟今夏麥亦

上蒼所是之人向來之感召

天和雨澤調勻年歲豐熟皆惟岳鍾琪一人是賴明矣
恩蠲來年正糧三分百姓益覺懽愉閏七月初六初八

十三等日方得澍雨秋禾雖屬無望正可及時種
麥

一同州火藥局貯鉛子火藥三萬餘因署事官交
代盤驗不知因何火發打飄房屋傷損多人此事
聞已

有旨
題報臣因思火藥年久不經另造不適於用而意外
所言似屬有理但斯事甚有關係朕再加訪詢酌定
之虞則慘不可言若硝磺似可放心用時臨期製
造甚易嗣後與其貯成藥不如貯硝磺之為愈也

一六月大早督撫率同各官集龍神廟祈禱雨澤
正齋戒禁屠時將軍常色立屢請兩院喫肉頗有
物議又巡撫於齋所坐間向署督談及五月十三
牛肉之美言之津津因吩咐縣官丁祭必要肥牛
大吏之過全不在此凡遇此等毀謗刁風亟當禁遏之
以正尊卑體統若恬不為怪露願聽光景則是德憑微
員宵小輩廣滋謗言此固小疵但地方大吏一舉一動萬
耳萬目觀瞻指摘大吏等任性而行信口而談自
難免於萬聲之訾議也

查郎一署督查郎阿初蒞外任於地方事未能深悉但
平易近人留心訪求頗有虛懷受善不自滿假之
否也

否也
意每自以不通漢文專靠幕賓為憾

一巡撫武格數月來操守固無可疑但凡事不知

本末不識緩急如四五月內大將軍出師時正在
閱汝論奏武格之語總未出朕訓伊之旨候發來賜汝
軍務殷繁無一閒員忽將府廳州縣飛檄分委各
密觀

屬盤糧有以軍務緊要稟請寬限者即加嗔責致
各官顧此失彼周章倉皇夫盤糧寧非正事而重
務重大此稍緩時日未妨也又妄駁文移不按繩
墨舛錯倒亂前後矛盾致下屬莫知適從競傳其

所用幕賓林姓乃前撫西琳舊幕王姓係前甘撫
焉有幕客遂能令督撫是否之理此皆不達事情之妄
莽鵠立舊幕巡撫誤信前撫之言任用不疑巡撫

論豈可聽信

乃查原於漢文不諳而地方事務全係漢文故幕賓得

以恣肆也即署督查郎阿亦對司道有撫院相公

果然混鬧無怪外邊議論之言再巡撫初到任審

第一起事參革清澗令陳錦私派案當堂只說得

言之一句你要據實供其後總是書辦在旁問供後書

辦說此案須駁巡撫點首而退傳者駭異嗣後審

事多係書辦問話初臣未信曾面訊岐山縣盜案

內犯官莊秉中王嘉賓等謂果係書辦問話以臣

細察巡撫外貌似有才情可以辦事但心不虛公

徒形其剛愎之氣故善言不入任意妄行而張弛

錯謬矣

一閏七月初二日各官齊集城隍廟宣講

上諭藩司傳集奉

旨發來補用人員驗看內有貢生朱一蜚者督撫謂此

禮部錢侍郎外甥可委署高陵縣知縣時驗看各

乃過於粗直之所致耳設如不此此言但存之於心又

當以爲何如耶跪藩司前大聲謂卑職等俱係奉

旨保舉來的如卑職等辦不得事情願咨回藩司默然

徒倡率而爲者留心密訪奏聞

司道散後又向府廳等官紛紛有言大概謂大人

硃批諭旨

十三

杜濱

一鳳翔縣額徵鹽課六百餘兩知縣任樞南按丁加派至一千二百兩署扶風縣知縣陳恭徵收鹽課耗羨重至加三寶雞岐山郿縣三處鹽耗亦重加三臣職司鹽法訪查確實於本年五月十一日詳報督撫鹽三院而巡撫竟置之不問及任樞南因考棚科派爲學政朱曙蓀查出

題參督撫亦隨趕參查派數無多賊非入已視倍徵小者有據卽行參劾大者或因詳察落後亦不爲過所鹽課婪賊入已爲數又多者輕重大懸乃舍大參小未審何以顛倒至此也

一陝屬延安以北地方廣濶有延半陝之說其習

俗悍野鮮知禮義棍徒更多妄行官設三廳止司塘站而地方事則雜用州同縣丞經歷巡檢等員主之謂之堡官凡錢糧詞訟皆堡官所理其職任與正印官等但官卑職微呼應不靈遇有緊要事常多貽悞總因邊地寫遠從前改設文員時未經詳察草率措置不得其當臣每留心訪問榆林居東西之中城郭完固煙火萬家應照寧夏西寧之例改爲榆林府附郭設榆林縣將州同所管雙山等五堡屬之波羅等五堡係波羅州同威武巡檢二員分管亦於酌中處設爲一縣查堡皆有城西

十堡如鎮靖定邊安邊等堡城郭尤好係鎮靖巡
檢安邊州同定邊縣丞靖邊經歷四員分管亦可
酌量設爲二縣其東十堡係葭州神木府谷三州
縣分管無庸添設併綏德州所屬米脂等縣統隸
榆林府是亦一大郡也再查榆林城有總鎮一員
分巡道一員神木縣有分巡道一員榆林既改爲
府設有知府知縣等官則榆林道似可裁去應與
延安府統歸神木道管轄乃爲允當

事關

改設府縣果否與地方相宜當言之督撫酌定

一直隸州知州有本管地方之責有督察屬縣之
任缺爲至要陝省現有直隸同州乾州綏德州葭
州四缺今以蒲城縣知縣朱閑聖署理同州以西
延同知周源署理綏德州以吳堡縣知縣詹紹德
署理葭州以興平縣知縣胡蛟齡署理乾州顧此
失彼必致貽悞夫人之精神才力專於一則有餘
馳於二則不足今署事官心馳於二而又勢處於
如此存心定非良吏
暫有鞭長不及之虞有五日京兆之意於地方事
務鮮有悉心辦理者況四員均係平庸之才未聞
其能勝任而無憾也查定例直隸州員缺督撫於
通省州縣內遴選才能

題請補授如不得其人卽當恭請

硃批諭旨

十五

杜濱

亦當言之於督撫
皇上簡發賢員來陝補用今悠忽坐視而漠不關心甚

非慎重地方之意此數條皆臣數月以來或身經
辦理或親自見聞不敢畏縮隱匿冒昧密

奏伏乞

賜覽謹

奏

覽



